


TEZAU LITURGIC

3 MAI

ACATISTUL SF. CUVIOS TEODOSIE I DE LA PECERSKA



MOSCOVA, 2000



Акафист

святому Феодосию, Печерскому чудотворцу

Кондакъ 1

Избранный отъ Царя силъ Господа Иисуса, и
отъ юности твоея призванный во иночество,
общаго въ Россіи житія первоначальниче и
великій чудотворче, преподобне отче нашъ
Феодосіе, умоли Господа Бога отъ всякихъ бѣдъ и
грѣховныхъ страстей избавити ны, зовущія ти:

Радуйся, Феодосіе, иноческаго устава въ
Россіи учредителю.

Икосъ 1

Ангель земный, и человекъ небесный былъ
еси, преподобне отче Феодосіе, и, яко звѣзда
утренняя, возсіялъ еси на тверди Россійкія
Църкве, прогоняя всяку тму грѣховную
свѣтозарнымъ твоимъ житіемъ и ученіемъ, и
приводя къ свѣту Христову многія люди. Тѣмже
прими отъ насъ благохваленія сицевая:

Радуйся, града Васильева святое порождѣніе;

ра́дуйся, гра́да Ку́рска до́брое воспита́ние.

Ра́дуйся, отъ мла́дыхъ лѣтъ Хри́ста премно́го
возлю́бивый;

ра́дуйся, Его́ ра́ди у́же желѣ́зное на тѣ́лѣ
твоѣ́мъ въ ю́ности носивый.

Ра́дуйся, усер́дно примета́вшийся ко хра́му
Госпо́дню;

ра́дуйся, служи́вый Це́ркви Бо́жіей отъ
трудо́въ твои́хъ пра́ведныхъ.

Ра́дуйся, сирот́ствовавый отъ отца́ плотска́го,
и въ сыновство́ причте́нный Отцу́ Небе́сному;

ра́дуйся, мно́гія ско́рби и бі́енія отъ ма́тере
твоея́, любве́ ра́ди Бо́жіей претерпѣ́вый.

Ра́дуйся, му́ченикъ самопроизво́лень бы́вый;

ра́дуйся, свѣ́тлость са́на вре́меннаго ни во
что́же вмѣ́нивый.

Ра́дуйся, рука́ма твои́ма хлѣ́бы предложе́нія
для олтаря́ Госпо́дня уготовля́вый;

ра́дуйся, ду́шу твою́ въ хлѣ́бъ чи́стый,
Пресвяты́й Тро́ицѣ прине́сый.

Ра́дуйся, Оеодосі́е, ино́ческаго уста́ва въ
Россі́и учреді́телю.

Кондакъ 2

Видѣвши ма́терь тво́я, о́тче Θεодо́сіе, я́ко презира́лъ еси́ вся до́льная, и о го́рнихъ вы́ну помышля́лъ еси́ въ ю́ности тво́ей, гнѣ́ва́шеся на тя́ зѣло́, и тща́шеся тя́ отъ служе́нія Го́сподеви отврати́ти, о́во моле́ніемъ, о́во пре́щени́емъ и ра́нами: оба́че ничто́же успѣ́, укрѣ́пляюще́ тя Го́споду, Егóже ра́ди бі́енія и поноше́нія отъ ма́тере твое́я радостно́ терпѣ́лъ еси́, и Емúже во дни́ и въ но́щи воспѣ́ва́лъ еси́ а́нгельскую пѣ́снь: Аллилу́ія.

Икосъ 2

Разумѣ́въ до́брѣ, я́ко въ суетѣ́ мі́ра живѣ́я, неудобно́ обрѣ́сти спасе́ние, преподо́бне о́тче Θεодо́сіе, во гра́дъ Іерусали́мъ удали́тися возжелѣ́лъ еси́, да поклони́шися та́мо грóбу Го́сподню, и по́двиги духо́вными дости́гнеши Іерусали́ма небѣ́снаго; оба́че воспя́щенъ отъ ма́тере твое́я, па́ки во гра́дъ оте́чествія́ твоего́ обита́ти прину́жденъ бы́лъ еси́. Помина́я такову́ю твою́ ре́вность о спасе́нии душе́внѣмъ, вопі́емъ ти́:

Ра́дуйся, па́че роди́вшія́ тя плóтію, Го́спода возлю́бивый;

ра́дуйся, ма́тернею любо́вию неуловле́нь
пребы́вый.

Ра́дуйся, служи́ти міру отрекі́йся;

ра́дуйся, рабо́тати Еди́ному Бо́гу возжелѣ́вый.

Ра́дуйся, ри́зы ни́щетныя носі́вый;

ра́дуйся, въ просфоропече́ніи нелѣ́нно
трудо́выйся.

Ра́дуйся, въ хра́мъ Бо́жій на моли́тву усер́дно
приходи́вый;

ра́дуйся, моли́тву непреста́нную возлюбі́вый.

Ра́дуйся, въ мірѣ́ не любя́ мірска́го пожи́вый;

ра́дуйся, я́ко а́нгель Бо́жій въ дому́ ма́тере
твоея́ пребы́ваый.

Ра́дуйся, ко Го́споду о́чи се́рдца твоего́
возводи́вый;

ра́дуйся, свободи́ти тя плѣ́на грѣ́ховнаго Бо́га
усер́дно проси́вый.

Ра́дуйся, Θεодо́сіе, ино́ческаго уста́ва въ
Россі́и учреди́телю.

Конда́къ 3

Си́ла Бо́жія укрѣ́пи́ тя, о́тче Θεодо́сіе, на
по́двиги духо́вныя, и Бо́гу помога́юще́ ти,

изше́лъ еси́ та́йно отъ до́ма ма́тере твоея́, и прите́клъ еси́ къ до́брому па́стырю, преподо́бному Анто́нію, во гра́дъ Кіевъ въ пеще́рь обита́вшему, умоля́я его́, да причте́тъ тя къ словес́ному своему́ ста́ду. То́йже провѣ́дѣвъ душе́вную твою́ добро́ту, пріять тя съ любове́ю, и повелѣ́ преподо́бному Нѣ́кону облещи́ тя во святы́й а́нгельскій о́бразъ, да поёши съ нѣ́ми Бо́гу: Аллилу́ія.

Ико́сь 3

Имѣ́я любовь ве́лію ко Христу́, преподо́бне о́тче, любви́ю о Христѣ́ прильпи́лся еси́ къ преподо́бному Анто́нію, и взира́я на свято́е и богоуго́дное житіе́ его́ въ пеще́рь, тща́лся еси́ во все́мъ ему́ подража́ти, и вся́ словеса́ его́ слага́лъ еси́ въ се́рдцѣ твоёмъ. Сего́ ра́ди ублажа́емъ тя зва́ніи сі́ми:

Ра́дуйся, гра́дъ оте́честія твоего́ и до́мъ ма́тере твоея́, Христа́ ра́ди оста́вивый;

ра́дуйся, въ пу́ть душеспаси́тельный ра́достно поте́кій.

Ра́дуйся, во гра́дъ Кіевъ па́жить духо́вную о́брътый;

ра́дуйся, въ пеще́рьъ преподо́бнаго Анто́нія
приста́нище спасе́нія получи́вый.

Ра́дуйся, во а́нгельскій чинъ рука́ма
преподо́бнаго Ни́кона облече́нный;

ра́дуйся, съ постриже́ніемъ власо́въ главы́
твоея́, все́ плотско́е мудрова́ніе соверше́нно
отложи́вый.

Ра́дуйся, въ ри́зу смире́нія одѣ́янный;

ра́дуйся, въ санда́ліи послуша́нія обуве́нный.

Ра́дуйся, ку́коль незло́бія на ся возложи́вый;

ра́дуйся, ана́въ Бо́жія защище́нія
воспри́явый.

Ра́дуйся, ме́чь духо́вный въ руцѣ́ твоёй вы́ну
имѣ́вый;

ра́дуйся, і́менемъ Иису́совымъ враги́
неви́димыя отража́вый.

Ра́дуйся, Θεодо́сіе, ино́ческаго уста́ва въ
Россіи́ учреді́телю.

Конда́къ 4

Бу́ри жите́йскія избѣ́жавъ, о́тче преподо́бне,
въ благооти́шіи пеще́рнѣмъ богоуго́дно
подвиза́лся еси́, преподо́бнымъ Анто́ніемъ
наставля́емъ на вся́ку добродѣ́тель, ма́тере же

твоея пла́чемъ не умоле́нь бы́лъ еси́ въ міръ
возврати́тися, но моли́твою твоёю ко Го́споду, и
ма́терь твою́ ко ино́честву приве́лъ еси́, зовы́й
Бо́гу, умягчи́вшему се́рдце ея́: Аллилу́ія.

Ико́сь 4

Слы́шавъ поуче́нія душеспаси́тельная
преподо́бнаго Анто́нія, о́тце Θεодо́сіе,
благоговѣ́йно внима́лъ еси́ его́ глаго́ломъ и
са́мымъ дѣ́ломъ исполня́лъ еси́ того́ словеса́, яже
ко спасе́нію и благоугожде́нію приве́доша тя, и
бы́лъ еси́ бла́гій учени́къ блага́го учи́теля,
достой́ный вои́стинну ублаже́ній таковы́хъ:

Ра́дуйся, во смире́нии преуспѣ́вый;

ра́дуйся, въ моли́твахъ во дни́ и въ но́щи
 пребы́ваый.

Ра́дуйся, послуша́нія зерца́ло;

ра́дуйся, трудолю́бія пра́вило.

Ра́дуйся, по́двиги духо́вными плоть твою́ дѹху
покорі́вый;

ра́дуйся, но́щи безъ сна́ провожда́ый.

Ра́дуйся, рука́ма твои́ма во́лну пря́вый;

ра́дуйся, уста́ми твои́ми псалмы́ воспѣ́ваый.

Ра́дуйся, въ цѣрковь Бо́жію прѣжде всѣхъ на
моли́тву приходи́вый;

ра́дуйся, неподви́жно и благоумили́нно въ не́й
стоя́вый.

Ра́дуйся, тяготы́ бра́тій твои́хъ любвеобильно
носи́вый;

ра́дуйся, труды́ рукодѣ́лій за ни́хъ
исполня́вый.

Ра́дуйся, Θεодо́сіе, ино́ческаго уста́ва въ
Россіи учреди́телю.

Конда́къ 5

Боготѣ́чно шѣ́ствовалъ еси́ отъ си́лы въ си́лу,
преподо́бне о́тче, и я́ко досто́йный сосу́дь Бо́жія
благода́ти, во іере́я освяще́нь бы́лъ еси́, и
игу́меномъ поста́вленъ бы́лъ еси́ пеще́рнѣй
бра́тіи, избра́ніемъ то́я, и благослове́ніемъ
преподо́бнаго Анто́нія, съ ни́мже вку́пѣ
ре́вною подвиза́лся еси́ о спасе́нии ду́шъ
человѣ́ческихъ, и ны́нѣ сла́дцѣ по́еши въ го́рнихъ
оби́телехъ Трѣ́ипоста́сному Бо́гу: Аллилу́ія.

Ико́сь 5

Ви́димъ тя, преподо́бне о́тче на́шъ Θεодо́сіе,
ре́вною труди́вшагося въ созида́ніи оби́тели

Печѣрскія, и уставъ общаго житія въ ней утвердившаго богомудренно, иже бысть потомъ образъ всѣмъ общаго житія обителемъ россійскимъ, тѣмже киновіархъ россійскій именуешься отъ вѣрныхъ, зовущихъ ти:

Радуйся, преподобне, богомудріемъ высокимъ преисполненный;

радуйся, богоносне, дары Духа Святаго преукрашенный.

Радуйся, царя псалмопѣвца словеса о купножитіи братскомъ возлюбивый;

радуйся, общежительный уставъ въ обители Печерстѣй учредивый.

Радуйся, первый основателю киновій россійскихъ;

радуйся, великій ревнителю иноческаго общаго житія.

Радуйся, вся обща имѣти братіи законоположивый;

радуйся, общежительная правила самъ во всемъ вѣрно исполнявый.

Радуйся, водуносяй, и дрова сѣкій въ твоёмъ настоятельствѣ;

ра́дуйся, трудолю́бію поуча́вый примѣ́ромъ
твои́мъ всю́ бра́тію.

Ра́дуйся, ни́щія пита́вый, и стра́нники
упоко́ева́вый;

ра́дуйся, страннопрі́ймницу и больни́цу въ
оби́тели тво́ей устро́ивый.

Ра́дуйся, Θεодо́сіе, і́ноческаго уста́ва въ
Россі́и учре́дителю.

Конда́къ 6

Проповѣ́дникъ боговѣ́щанный бы́ль еси́, о́тче
Θεодо́сіе, не то́кмо і́нокомъ, но и лю́демъ
мі́рскимъ, кня́земъ и боля́ромъ, и всѣ́хъ поуча́ль
еси́ нели́пно добродѣ́телемъ христі́анскимъ,
братолю́бію, крѣ́тости, воздержа́нію и чистотѣ́.
Мо́лимъ тя́, преподо́бне, предста́тельствомъ
твои́мъ небѣ́снымъ испроси́ и на́мъ сіи
боголюбе́зныя добродѣ́тели, да не порабо́тимся
страсте́мъ грѣ́ховнымъ, но благоче́стно да поѣ́мъ
Бо́гу, Спаси́телю на́шему: Аллилу́ія.

Ико́сь 6

Возсія́ль еси́ я́ко звѣ́зда богосвѣ́тлая въ странѣ́
Россі́йстѣ́й, преподо́бне о́тче, и мно́гія чело́вѣки
приве́ль еси́ въ огра́ду небѣ́сную уче́ніемъ
твои́мъ святы́мъ: ты́ бо не то́кмо учи́ль еси́, но и

твори́лъ еси́ вся́ку добродѣ́тель,
непогрѣ́шительно исполня́я вся́ за́повѣди Христа́
Бо́га. Тѣ́мже я́ко сотвори́вшаго, и научи́вшаго,
восхваля́емъ тя́ си́це:

Ра́дуйся, свѣ́тлостію житія́ твоего́ сія́вый мі́ру;
ра́дуйся, уче́ньми твои́ми назида́вый во
спасе́ніе мно́гія челове́ки.

Ра́дуйся, па́стырю до́брый, чу́ждый
лицепрі́ятія;

ра́дуйся, наста́вниче богому́дрый,
преиспо́лненный любве́ ко всѣ́мъ бли́жнимъ.

Ра́дуйся, си́льнымъ мі́ра правду́ Бо́жію
небоя́зненно возвѣща́вый;

ра́дуйся, кня́земъ и вельмо́жамъ ко
благоче́стію совѣ́тникъ бы́вый.

Ра́дуйся, невѣ́рныя іуде́и увѣ́ровати во Христа́
увѣщава́вый;

ра́дуйся, ми́лостыню мно́гу ни́щей бра́тии
подава́ый.

Ра́дуйся, съ пла́кавшими пла́кавый;

ра́дуйся, скорбя́щія утѣ́шавый.

Ра́дуйся, вдо́въ и сиро́тъ засту́пниче;

ра́дуйся, оби́димыхъ и гони́мыхъ защи́тниче.

Ра́дуйся, Θεοδόсіе, іноческаго уста́ва въ Россіи учредітелю.

Конда́къ 7

Хотя́ Госпо́дь явити́ лю́демъ, я́ко оби́тель Пече́рская, тобо́ю управля́емая, преподо́бне о́тче Θεοδόсіе, храни́ма е́сть Его́ благода́тію Божество́нною, свѣ́тъ пречу́денъ въ но́щи надъ не́ю возсія́, тате́мъ же окра́сти це́рковь въ не́й хотѣ́вшимъ, це́рковь ту́ отъ земли́ на возду́хъ вознесе́нную дивно́ показа́, и пѣ́ніе а́нгельское въ не́й слы́шано бы́ти сотвори́: да всі́ увѣ́дятъ, я́ко вели́къ еси́ уго́дникъ Бо́жій, и я́ко мно́го мо́жетъ моли́тва твоя́ ко Го́споду, Емуже́ воспѣ́валъ еси́: Аллилу́ія.

Ико́сь 7

Но́ваго тя́ Θεοδόсіа киновіа́рха яви́ Госпо́дь въ странѣ́ Россі́йстѣй, преподо́бне о́тче, и тобо́ю просла́ви Ла́вру Пече́рскую, ма́терь оби́телей ру́сскихъ, въ не́йже отъ лѣ́тъ дре́внихъ подви́жничество іно́ческое процвѣ́те, и мно́зи преподо́бніи Бо́гу благоугоди́ша, посредѣ́ кѣихъ ты́, я́ко луна́ по́лная, свѣ́томъ добродѣ́телей и чудесъ́ твои́хъ немерца́емо сі́яеши, и всѣ́хъ подви́заеши зва́ти тебѣ́:

Ра́дуйся, анге́лонра́вный чело́вѣче;
ра́дуйся, дѣ́вный о Го́сподѣ подви́жниче.

Ра́дуйся, вели́кій чуде́творче;
ра́дуйся, благомо́щный моли́твенниче.

Ра́дуйся, зла́то та́инственно отъ а́нгела
полу́чивый;

ра́дуйся, тѣ́мъ зла́томъ бра́шно гла́дной бра́тии
твое́й купѣ́вый.

Ра́дуйся, оску́дѣніе ви́на и еле́я въ оби́тели
твое́й чуде́сно воспо́лнивый;

ра́дуйся, пра́здную жи́тницу по́лну муко́ю
яви́вый.

Ра́дуйся, то́щій сосу́дъ ме́да
преизлива́ющимся показа́вый;

ра́дуйся, чуде́са пресла́вна въ житі́и твоёмъ
соверши́вый.

Ра́дуйся, Бо́га просла́вивый по́двиги тво́ими;
ра́дуйся, Бо́гомъ просла́вленный
благода́тными да́ры.

Ра́дуйся, Θεодо́сіе, ино́ческаго уста́ва въ
Россі́и учреді́телю.

Кондакъ 8

Страннопріимство Авраамле возлюбилъ еси, отче Θεодосіе, въ темницѣ заключѣннымъ хлѣбы посылалъ еси любвеобильно, поминая слова Христова, яко въ лицѣ странныхъ, и въ темницѣ сѣдящихъ, самъ Христось благодворенія пріемлетъ. Научи и насъ, угодниче Божій, тебѣ въ сѣмъ подражати, и милостынею Богу угождати, да возможемъ благопріятно пѣти Ему: Аллилуія.

Икосъ 8

Весь на служеніе Богу и ближнимъ твоимъ себе вдаль еси, Θεодосіе отче нашъ, и добръ паслъ еси Богомъ врученное тебѣ словесное стадо, немощныя укрѣпляя, падшія возставляя, добръ стоящія охраняя, и бдя на стражѣ моливленнѣй, да не похититъ врагъ невидимый едіну отъ твоихъ овецъ. О сѣмъ тя хвалимъ и зовѣмъ:

Радуйся, велію власть на дүхи нечистыя отъ Господа получивый;

радуйся, храмину стужаемую привидѣніи діавольскими молитвою твоєю очістивый.

Ра́дуйся, мно́гія бѣснѡвѣ́тыя, отъ
мучи́тельства дѣ́монскаго свобо́дивый;

ра́дуйся, вся́ приви́дѣнія и искуше́нія
сатани́нская побѣ́дивый.

Ра́дуйся, учени́ки твоя́ отъ сѣ́тей невидимаго
врага́ моли́твою твоѣ́ю соблюда́вый;

ра́дуйся, искуше́нный на мно́зѣ,
искуша́емымъ помога́вый.

Ра́дуйся, челове́че Бо́жій, гра́ды и ве́си
испо́лнивый сла́вою твои́хъ по́двиговъ;

ра́дуйся, нестяжа́нія рачи́телю, никогда́же
помышля́вый о потре́бахъ грядúщаго дне́.

Ра́дуйся, вѣ́рою крѣ́пкою на Бо́га упова́вый;

ра́дуйся, по вѣ́рѣ твоѣ́й вся́ ну́жная отъ Бо́га
изоби́льно получи́вый.

Ра́дуйся, благодарѣ́ніе Го́сподеви вы́ну о
всѣ́хъ дарѣ́хъ Его́ возноси́вый;

ра́дуйся, отъ малоду́шнаго ро́пота бра́тію
твою́ бо́дренно охраня́вый.

Ра́дуйся, Θεодо́сіе, ино́ческаго уста́ва въ
Россі́и учредите́лю.

Кондакъ 9

Всѣмъ, трѣбующимъ по́мощи твоея, усѣрдно
 благотвори́лъ еси́, преподо́бне о́тче, и зѣло́
 милосѣрдствовалъ еси́ о ни́щихъ и убо́гихъ, я́ко
 бы́ти тебѣ́ вои́стинну о́комъ слѣпы́хъ, ного́ю
 хромы́хъ, руко́ю безпомо́щныхъ, и никто́же
 отхожда́ше отъ лица́ твоего́ неутѣшеннымъ.
 Призри и на на́съ, уго́днице Бо́жій,
 благосѣрдіемъ твои́мъ, и отъ ра́нъ грѣхóвныхъ
 исцѣлѣ́ніе на́мъ пода́ждь моли́твами твои́ми, да
 благодарственно поѣмъ Бо́гу: Аллилу́я.

Икосъ 9

Витіи суемудренныя посрамйшася житіемъ
 твоимъ, Θεодосіе богомудре, глаголющія буйство
 бы́ти подви́жничество духо́вное: се́ бо ви́димъ тя́
 во плóти небеснопожившаго, и а́нгельскія нра́вы
 на землі́ стяжавшаго. Тѣмже чудя́щеся твое́й
 ангелоподо́бнѣй свя́тости, ублажа́емъ тя́
 благохвалѣ́ніи сі́ми:

Ра́дуйся, звѣздо́ у́тренняя, тму́ нечѣстія въ
 странѣ́ Россійстѣй разгна́вшая;

ра́дуйся, забра́ло крѣ́пкое отъ вра́гъ
 ви́димыхъ и невидимыхъ.

Ра́дуйся, сто́лпе утвержде́нія святы́я
Правосла́вныя вѣры;

ра́дуйся, боголѣ́пное украше́ние Христо́вы
Цѣ́ркве.

Ра́дуйся, оте́чествія твоего́ земна́го
покрови́телю небѣ́сный;

ра́дуйся, пу́ти спаси́тельнаго указа́телю
неле́стный.

Ра́дуйся, воево́до изрядный полка́ вои́новъ
духо́вныхъ;

ра́дуйся, ратоборче до́блій, побѣ́дивый
де́монскія полки́.

Ра́дуйся, общенія удосто́ивыйся со а́нгелы;

ра́дуйся, Христу́ усер́дно благоугожда́вый.

Ра́дуйся, милосе́рдія Христо́ва подража́телю;

ра́дуйся, даро́въ духо́вныхъ добрѣ́йшій
пода́телю.

Ра́дуйся, Θεодо́сие, ино́ческаго уста́ва въ
Росси́и учредите́лю.

Конда́къ 10

Спаси́тельное пристани́ще и хра́мъ Го́спода
сла́вы, Вели́кую, небеси́ подо́бную, цѣ́рковь

Печѣрскую, по мно́зѣхъ зна́меніихъ и чудесѣхъ основáлъ еси́, преподо́бне о́тче Θεодо́сіе, и са́мъ рука́ма тво́йма помога́лъ еси́ каменозда́телемъ ея́, вы́ну моля́ся ко Го́споду и Пресвяты́й Богоро́дице: «да бу́детъ сія́ цѣрковь изря́дное жили́ще Бо́жія благода́ти, и да услы́шитъ Го́сподъ моли́твы люде́й Свои́хъ», съ вѣ́рою вопі́ющихъ Ему́: Аллилу́ія.

Ико́сь 10

Царя́ Небе́снаго Христа́, вѣ́рный ра́бъ бы́лъ еси́ Θεодо́сіе богонóсне, и Цари́цѣ Небе́снѣй, въ видѣ́ннїи дивнѣ́мъ во Влахе́рнстѣй цѣркви та́инственно предста́ялъ еси́, вкупѣ́ съ преподо́бнымъ Анто́ніемъ, егда́ Она́ каменозда́тели въ Кіевъ посыла́ше созидáти Вели́кую Печѣ́рскую цѣрковь, и божѣ́ственную ико́ну Своего́ Успѣ́нія ѿ́мъ подаде́, въ благослове́ніе всегда́шнее твоея́ оби́тели, въ не́йже почита́еши́ся зва́ннїи сѣ́ми:

Ра́дуйся, зда́телю Вели́кія Печѣ́рскія цѣркве;
ра́дуйся, основа́вый ю́ на мѣ́стѣ, освященнѣ́мъ мно́гими чудесы́.

Ра́дуйся, слеза́ми моли́твенными основа́ніе ея́ ороси́вый;

ра́дуйся, рука́ма твои́ма краеуго́льныя ка́мни
ея́ положи́вый.

Ра́дуйся, изря́дный слуго́ Бо́жия Ма́тере;
ра́дуйся, дивную ико́ну Ея́ Успѣ́нія ра́достно
прія́вый.

Ра́дуйся, ико́ну сію́ благода́тную, съ че́стію
вели́кою въ оби́тели твоёй поста́вивый;

ра́дуйся, моли́твы усер́дныя предъ не́ю
приноси́вый.

Ра́дуйся, благоволе́ніемъ Богома́тере
осѣ́нённый;

ра́дуйся, открове́ній Божество́нныхъ отъ Нея́
удосто́енный.

Ра́дуйся, избра́нниче Сы́на Ея́ Христа́ Бо́га;
ра́дуйся, тайнниче Пресвяты́я Тро́ицы.

Ра́дуйся, Θεодо́сіе, ино́ческаго уста́ва въ
Россіи учреді́телю.

Конда́къ 11

Пѣ́ніе немол́чное приноси́лъ еси́ въ Три́ехъ
Ли́цѣхъ Еди́ному Бо́гу, преподо́бне о́тче Θεодо́сіе,
и до конца́ твоего́ не престава́лъ еси́ моли́твенно
славосло́вити Го́спода, и та́ко въ моли́твѣ
усер́днѣй преда́лъ еси́ въ ру́цѣ Его́ ду́шу твою́,

ю́же а́нгели свѣ́тїи со сла́вою вознесо́ша въ
о́бители го́рнїя, идѣ́же водвори́лся еси́ со
уго́дники Бо́жими, и ра́достно пое́ши а́нгеловъ
и чело́вѣковъ Творцу́: Аллилу́ія.

И́косъ 11

Свѣ́томъ небѣ́снымъ оза́рїся ли́це твоѣ́,
преподо́бне о́тче, блаже́нно почи́лъ еси́ снóмъ
смѣ́рти, и со слеза́ми мно́гими провожда́емъ
бы́лъ еси́ ко грóбу отъ твои́хъ бра́тїй и ча́дъ,
пла́кавшихъ и рыда́вшихъ о твоѣ́мъ съ нї́ми
разлуче́нїи. Мы́ же, а́ки надгробную́ пѣ́снь,
прино́симъ ти́ благохвалѣ́нїя таковы́я:

Ра́дуйся, пра́ведно и богоуго́дно течѣ́нїе
земно́е соверши́вый;

ра́дуйся, вѣ́нецъ нетлѣ́нїя отъ руки́ Христо́вы
получи́вый.

Ра́дуйся, я́ко па́мѣть твоѣ́ съ похва́лами во
святѣ́й Цѣ́ркви почита́ется;

ра́дуйся, я́ко успѣ́нїе твоѣ́ отъ вѣ́рныхъ свѣ́тло
торжеству́ется.

Ра́дуйся, смѣ́рть вкуси́вый, но тлѣ́нїя не
позна́вый;

ра́дуйся, свѣ́тлостїю лица́ твоего́ сла́ву твою́
небѣ́сную прояви́вый.

Ра́дуйся, въ пеще́рь со слеза́ми мно́гими отъ
бра́тии твоея́ погребённый;

ра́дуйся, по осмина́десяти лѣ́тъхъ нетлѣ́нень
та́можде обрѣ́тённый.

Ра́дуйся, въ Вели́кую Пече́рскую це́рковь со
сла́вою пренесённый;

ра́дуйся, свѣ́томъ небё́снымъ въ пренесё́нии
моще́й твои́хъ дивно́ возсія́вый.

Ра́дуйся, три́ дуги́ свѣ́тоза́рныя отъ пеще́ры
къ Вели́цѣй Пече́рстѣй це́ркви протяже́нныя
показа́вый;

ра́дуйся, благоуха́ние дивно́е отъ моще́й
твои́хъ испусти́вый.

Ра́дуйся, Θεодо́сие, ино́ческаго уста́ва въ
Росси́и учре́дителю.

Конда́къ 12

Благода́ти Бо́жіей прича́стна показа́ся
свяще́нная ра́ка моще́й твои́хъ, преподо́бне о́тче
на́шъ Θεодо́сие: исцѣ́ленія бо недужны́мъ
источа́етъ, и вся́ку я́зю въ лю́дехъ врачу́етъ, и́же
съ вѣ́рою и любове́ю къ не́й притека́ютъ,
моли́твенно призыва́я твоё свято́е и́мя. Тѣ́мже
покланя́емся мѣ́сту посме́ртнаго твоего́ поко́я, и
лобыза́юще на нёмъ свято́лѣ́пное изображе́ние

лица твоего, хвалѣбно вопіѣмъ Богу, Дівному во святыхъ Своихъ: Аллилуія.

Икосъ 12

Поюще подвиги и чудеса твоя, преподобне отче Θεодосіе, молимтиса прилѣжно: молися съ нами и о насъ къ Всемілостивому и Человѣколюбцу Богу, да не оскудѣетъ въ насъ вѣра святоотѣческая, въ нейже преуспѣлъ еси духовно, но да будемъ и мы подражатели тебѣ въ правой вѣрѣ и добрыхъ дѣлѣхъ, и тако возможемъ неосужденно вопіти тебѣ:

Радуйся, пречудное украшеніе святія Великія, небеси подобныя, Печѣрскія цѣркве;

радуйся, храмъ Богоматере удобри́вый пресла́вными твоими чудесы́.

Радуйся, гробъ твой святы́й златомъ и серебромъ чудотворно украси́вый;

радуйся, исцѣленій мно́жество отъ него́ источи́вый.

Радуйся, болящихъ цѣлителью;

радуйся, скорбящихъ утѣшителю.

Радуйся, бѣдствующимъ на по́мощь ускоря́й;

ра́дуйся, всѣмъ, чту́щимъ тя, заступле́ние
да́руяй.

Ра́дуйся, въ ча́сь сме́ртный всѣмъ на́мъ
благонаде́жный помо́щниче;

ра́дуйся, отъ наси́лія діаво́льскаго
многосто́пный на́мъ защи́тниче.

Ра́дуйся, Ла́вры Пече́рскія крѣ́пкое
огражде́ние;

ра́дуйся, по Бо́зѣ и Богоро́дицѣ непосты́дное
на́ше упова́ние.

Ра́дуйся, Θεодо́сіе, ино́ческаго уста́ва въ
Россіи учре́дителю.

Конда́къ 13

О, вели́кій чудотво́рче! Услы́ши ми́лостиво сіе
ма́лое моле́ние на́ше, въ похва́лу тебѣ́ приноси́мое
съ вѣ́рою и любове́ю, и помоли́ся ко Го́споду
Бо́гу, да изба́витъ на́съ отъ всѣ́хъ бѣ́дъ и зло́тъ, и
муче́ній вѣ́чныхъ, и сподо́битъ вку́пѣ съ тобо́ю во
Ца́рствіи небе́снѣмъ пѣ́ти Е́му: Аллилу́ія.

*[Се́й конда́къ глаго́ли три́жды. И па́ки
чте́тся 1-й и́косъ: Ангелъ земны́й... и конда́къ 1-
й: Избра́нный отъ Ца́ря си́ль...]*

Моли́тва

О, священная главо́, а́нгеле земный и челове́че небесный, преподо́бне и богонóсне о́тче нашъ Θεодóсие, изрядный слуго́ Пресвяты́я Богороди́цы, во и́мя Ея́ свято́е обитель пречу́дну на гора́хъ Печё́рскихъ сооруди́вый, и въ не́й чудесъ мно́жествомъ просія́вый! Мо́лимъ тя со усерди́емъ мно́гимъ, моли́ся за насъ ко Го́споду Бо́гу, и испроси́ отъ Него́ вели́кя и богаты́я ми́лости: вѣ́ру праву, наде́жду спасе́ния несомнѣ́нну, любóвь ко всѣ́мъ нелицемѣ́рну, благоче́стие непоколебимое, ду́шъ и тѣлѣ́съ здра́вие, житейскихъ потре́бъ дово́льство, и да не во зло́ обратимъ благая́, да́руемая намъ отъ щедрода́тельныхъ Его́ десни́цы, но въ сла́ву имени Его́ свята́го, и во спасе́ние наше. Сохрани́, уго́дниче Бо́жій, предста́тельствомъ твои́мъ святы́мъ и умоли́: стра́ждущую страну́ Росси́йскую отъ лю́тыхъ безбо́жниковъ и вла́сти ихъ Го́сподь да свободи́тъ, и да возста́витъ престолъ правосла́вныхъ царей; вѣ́рныхъ рабо́въ Его́, въ ско́рби и печа́ли де́нь и но́щь вопію́щихъ къ Нему́, многоболѣ́зный во́плъ да услы́шитъ и да изведётъ отъ поги́бели живо́тъ нашъ. Соблюди́, преподо́бне чудотво́рче, оте́честие твоё земно́е, страну́ Правосла́вно-Росси́йскую, ца́рствующія

грады ея, градъ твой, и Лавру твою невредимы
отъ всякаго зла, и вся люди притекающія на
поклоненіе къ честному твоему гробу, и
пребывающія во святѣй обители твоей, осѣни
небеснымъ твоимъ благословеніемъ, и отъ
всякихъ золъ и бѣдъ милостивно избави.
Наипаче же въ часъ кончины нашея покажи
намъ многомощное твоё покровительство, да
избавимся молитвами твоими ко Господу,
власти лютаго міродержца, и сподобимся
наслѣдiti Царство небесное. Яви намъ, отче,
благосердіе твоё, и не остави насъ, сирыхъ и
беспомощныхъ, да выну славословимъ Дивнаго
во святыхъ Своихъ Бога, Отца и Сына и Святаго
Духа, и твоё святое заступленіе, во вѣки вѣковъ.
Аминь.



ПОЛНЫЙ АКАФИСТНИК КАНОНИЧЕСКИЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

НОВОЕ
* НЕБО